

經國通卷十六

張氏醫通卷十六

長洲石頑張

璐路玉父纂述

男

以柔安世

訥遜言

叅訂

夫字有字母方有方祖自伊尹湯液一脈相傳與
釋氏傳燈無異苟能推源於此自然心手合轍諒
非時師所能測識也

桂枝湯

玉函 治風傷衛氣脈浮緩發熱自汗營衛

不和

桂枝 三錢

白芍 二錢

甘草 二錢

生薑 五片

大棗 四枚

右五味水煎溫服啜熱稀粥一盞以助藥力覆煖
取微汗効不汗少頃再服

小建中湯

玉函

治風木乘脾寒熱腹痛

桂枝湯倍芍藥加膠飴三錢

黃耆建中湯

金匱

治虛勞感寒發熱自汗

桂枝湯加黃耆錢半膠飴三錢○千金多人參

二錢

桂枝湯和營表藥倍芍藥加膠飴便能建立中氣
以芍藥之酸欽護營血膠飴之甘培養中土更加
黃耆以實衛氣營衛藏府俱和而受益多矣千金
於小建中方加八當歸名曰內補建中其調和中

外之力可知

陽旦湯

千金

治冬溫脈浮發熱項強頭痛

桂枝湯加黃芩錢半

陰旦湯

千金

治冬溫內寒外熱肢節疼痛中挾寒

食

桂枝湯加黃芩錢半乾薑五分

陰霾四塞非平旦之氣無以開啟陽和桂枝湯原名陽旦開啟陽邪之藥也千金於中加入黃芩之苦寒性輕以治冬溫在表之邪熱仍以陽旦稱之若兼挾寒食再加乾薑之辛溫散結以治中土之停滯遂因之曰陰旦與經絡之陰陽風馬牛不相

涉也

獨活湯千金

治風懿奄忽不知人咽中閉塞不能

言四肢不收手足羶曳

桂枝湯桂枝易桂心去大棗加獨活枯蕒根生
葛發其汗不得汗去獨活枯蕒根生薑加防已
防風麻黃瘡痂不語並皆治之

當歸四逆湯

玉函

治陽邪入犯厥陰四肢厥逆

桂枝湯去生薑加當歸三錢細辛通草各一錢
邪犯厥陰之界有人無出雖有熱邪勢必從陰而
爲厥逆故厥陰篇中有厥深熱深之例以振發傳
經之變端病邪至此最爲緊迫醫者苟無成識於

胸中臨病將何措指南陽先師乃毫不以厥逆爲
意仍取太陽例中桂枝湯加人當歸協濟芍藥
以護厥陰之營細辛引領桂枝以爲厥陰嚮導通
草通利膀胱以疏厥陰出路與桂枝平分力量爲
分解之捷徑雖厥陰與太陽兩經接壤邪旣入陰
斷無復傳陽經之理先輩六經例有不罷再傳之
說大可噴飯而桂枝方中獨去生薑者恐辛辣性
暴不待氣味入陰便從太陽開發轉虛其衛再有
何力以振驅邪之力歟由是廣推大小青龍大小
柴胡和解營衛兩岐表裏交界之邪必用薑棗爲
一定之法若麻黃湯則專主寒傷營證便與生薑

無預逮至三陰等治從無一方泛用生薑者生薑
爲手頭常用之物尙爾若此之慎況有不察厥深
熱深之旨一見四肢厥冷漫投薑附四逆於此能
無戚戚乎

內補當歸建中湯千金

治產後血虛虛羸不足腹

中刺痛少腹中急或感寒發熱

桂枝湯桂枝易肉桂加當歸二錢膠飴六錢

崩傷內衄不止加地黃六錢阿膠二錢產後一月

服四五劑令人強壯

桂枝龍骨牡蠣湯

玉函

治虛勞夢泄惡寒發熱

桂枝湯加龍骨

煨

牡蠣各錢半

桂枝大黃湯

玉函

治太陰中風誤下引邪入內腹

滿痛

桂枝湯加大黃一錢

桂枝湯表藥也以其誤下引邪內賊而腹滿痛渾是表邪在內不解之故故仍用桂枝湯畧加大黃因勢利導病既變則藥亦不得不隨之而變也

桂枝葛根湯

玉函

治大陽經柔痙自汗脈浮

桂枝湯加葛根二錢

栝蒌桂枝湯

金匱

治痙大陽證備身體強凡凡然

脈沉遲

桂枝湯加栝蒌根一錢

桂枝加附子湯

玉函

治亡陽漏風肢體屈伸不和

桂枝湯加熟附子一錢

桂枝加黃耆湯

金匱

治黃汗發熱經冷腰以上汗

出下無汗

桂枝湯加黃耆二錢

耆芍桂酒湯

金匱

治汗如檠汗肢體腫發熱汗出

而渴

桂枝湯去甘草薑棗加黃耆五錢苦酒和水煎

黃耆桂枝五物湯

金匱

治血痺身體不仁如風狀

桂枝湯去甘草加黃耆等分○千金桂枝易桂

心加人參名黃耆湯

扶苓甘草湯

玉函

治風邪入犯膀胱氣分小便不

利

桂枝湯去芍藥大棗加扶苓二錢

苓桂朮甘湯

玉函

治心下有支飲胸腹支滿目眩

桂枝湯去芍藥薑棗加扶苓二錢白朮一錢

此僅用桂枝湯之半以流動中外之支滿兼四君子之半以運行在裏之痰氣也

桂枝去芍藥加皂莢湯

金匱

治肺癰吐涎沫初起

有表邪者

桂枝湯去芍藥加皂莢一枚去皮挾酥炙

桂枝去芍藥加麻黃附子細辛湯

金匱

治氣分心

下如盤

桂枝湯去芍藥加麻黃附子各一錢細辛半錢
病在氣分非麻桂不能分解病氣盤錯非辛附不
能破結去芍藥者惡其酸收也

小青龍湯

玉函

治溢飲喘欬自利發熱當發其汗

桂枝湯去薑棗加麻黃三錢半夏二錢炮薑細
辛五味子各半錢

小青龍加石膏湯

金匱

治喘欬上氣煩躁心下有

水氣

小青龍湯加石膏雞子大一枚碎

桂枝麻黃各半湯

玉函

治太陽證脈微惡寒

桂枝湯加麻黃杏仁

桂枝二越一婢湯 玉函

治營衛俱傷風多寒小而

煩滿

桂枝湯本方各二錢加麻黃二錢石膏三錢

桂枝芍藥知母湯 金匱

治肢節痛脚腫如脫

桂枝湯去大棗加麻黃二錢白朮半兩知母防

風各四錢熟附子二錢

炙甘草湯 玉函

治寒傷脈結代心動悸及肺痿唾

多心中溫溫液液虛勞不足汗出而悶

桂枝湯去芍藥倍甘草加人參二錢生地三錢

麥門冬二錢麻子仁一錢阿膠二錢

混是清潤調補藥中但用桂枝一味以流動經脈之滯麻仁一味以滋潤腸胃之結而脈虛結代心虛動悸一切虛勞不足得以勞養則脈自復心悸自寧矣

芍藥甘草湯 玉函 治營血受傷熱不上

桂枝湯去桂枝薑棗

芍藥甘草附子湯 治發汗病不復反惡寒及瘡家

發汗成瘕

桂枝湯去桂枝薑棗加附子一錢 炮

黃芩湯 玉函一名黃芩湯 治伏氣發溫太陽少陽合病

白利

桂枝湯去桂枝生薑加黃芩三錢

其方加半夏湯

治伏氣發溫內挾痰飲痞滿

欬逆

桂枝湯去桂枝加黃芩三錢半夏二錢

黃芩湯本治春溫夏熱熱自內發故於桂枝湯中
除去桂枝生薑之辛溫易以黃芩之苦燥轉溫散
為涼解大匠運斤妙用不可思議後世借以治下
利身熱亦不出此其黃芩加半夏湯治自利而嘔
夏秋下利口沫若合符節異病同治總不出南
陽之秘也

治寒傷營氣脈浮發熱無汗而喘骨

痛

麻黃去節三錢

桂枝三錢

甘草炙一錢

杏仁二十枚
皮尖碎

右四味水煎溫服燂覆取微汗不須啜粥以寒邪
入傷營氣營氣起於中焦恐穀氣反助邪熱也
麻黃湯加白朮四錢

濕家身疼煩熱是軀殼受傷即用麻黃湯開發
肌表不得白朮健運脾氣則溼熱雖從汗泄而水
濕之氣依然復傷痰溼流薄中外矣然朮必生用
若經炒焙自有健脾之能而無祛溼之力矣

古今錄驗橘皮湯

金匱

治寒邪傷肺欬嗽吐衄

麻黃湯換肉桂加橘皮當歸紫苑黃芩

麻杏甘石湯

玉函

治發汗後汗出而喘無大熱者

麻黃湯去桂枝加石膏半兩

此麻黃湯去桂而兼越脾之意耑祛上焦溼熱痰氣與苓桂朮甘湯互發彼藉苓朮專祛心下之支飲此藉石膏專祛膈上之溼熱也

麻黃杏仁薤白甘草湯

玉函

治風溼一身盡痛發

熱日晡所劇者

麻黃湯去桂枝加薤白半兩

杏子湯 治風水虛脹脈浮發其汗即已

麻黃湯去桂枝

又易簡杏子湯用小青龍加參杏子仁

甘草麻黃湯

金匱

亦治裏水

麻黃湯去桂枝杏仁方用甘草四錢麻黃四錢

葛根湯

玉函

治太陽陽明合病白利或發熱無汗

喘滿不食

麻黃湯去杏仁增桂枝一錢加葛根四錢芍藥

二錢生薑三片大棗三枚

此卽麻黃桂枝二湯合用於中但去杏仁增葛根爲陽明經證之專藥以其能輔麻黃大開肌肉也去杏仁者旣開肌肉於外不當復泄肺氣於內也聖人立法一方一味各有斟酌非刻意研求烏能